

## Esquemas principais do texto expositivo

ESQUEMAS	Como é	Exemplo
<b>Descritivo</b> (Enumeración)	Diferentes elementos / características dun sistema, organismo... Pode seguir unha orde espacial. <b>el. 1</b> ----- <b>el. 2</b> ----- ...	Hai <b>moitas situacións</b> que levan unha persoa ou grupo a emigrar. <b>Entre elas</b> están as condicións políticas adversas, como as que se dan nos réximes ditatoriais. <b>Tamén</b> é importante a precariedade económica e a procura dunhas condicións de vida dignas...
<b>Secuencial</b> (Narración)	Sucesivos momentos dun fenómeno, proceso, etc. Orde fundamentalmente temporal. <b>1 &gt; 2 &gt; 3 &gt; 4....</b>	O valo de Melilla comezou a construírse <b>en 1998</b> . <b>Ao comezo</b> era un só valado, mais <b>despois</b> situáronse dous paralelos de 3 metros de altura. <b>En 2005</b> eleváronse ata os 6 metros e instaláronse arames con coitelas. <b>En 2013</b> ...
<b>Comparativo</b> (Semellanza - Contraste)	Semellanzas e/ou diferenzas entre feitos, situacións... Márcanse con expresións como <i>tal como, en cambio, polo contrario...</i> <b>A</b> --- <b>B</b> <b>a1</b> - <b>b1</b> <b>a2</b> - <b>b2</b>	Migrantes e refuxiados poden empregar <b>as mesmas</b> rutas e medios de transporte. pero responden a motivacións ben <b>distintas</b> . Os migrantes elixen desprazarse para mellorar as súas vidas. <b>En cambio</b> , os refuxiados teñen que saír da súa terra para poñer a salvo as súas vidas ou preservar a liberdade...
<b>Causal</b> (Causa - Consecuencia)	Relacións de tipo causal entre feitos ou elementos. Presenza de marcadores causais e consecutivos: <i>posto que, polo tanto, daquela, así...</i> <b>A ... ⇐ B ...</b>	Os gobernos do Occidente opulento controlan as vagas de refuxiados mesmo atentando contra os Dereitos Humanos. <b>Porque</b> non lles interesa asumir a súa responsabilidade nos conflitos internacionais nin dedicar recursos a enfrontar necesidades. <b>É así que</b> acordan con países do contorno...
<b>Problema – solución</b>	Presentación dunha situación problema -podendo apuntar causas e consecuencias- e da(s) súa(s) posible(s) solución(s). <b>A ⇨ B ...</b>	O envellecemento da poboación europea preocupa cada vez máis. A capacidade dos Estados para manter os servizos sociais e as pensións, co actual modelo económico, mingua ano a ano. <b>Unha alternativa</b> a esta situación é o favorecemento da entrada no mercado de traballo de persoas inmigrantes...